



kat.komp.

21605

III

klasy. St. Dr.

P

Paulus

Ruciński Joan. Chryzost. Vas electionis in
honorem Dei consecratum Divus Paulus
Apostolus —

PANEG. et VITAE

Polon. Pol.

N. 1763

Biblioteka Jagiellońska



stdr0004889

VASELECTIONIS,
In Honorem DEI Consecratum,
DIVVS PAVLVS
Apostolus:

Recurrente annuâ festiuitate,
In Conuerfione fua,
Panegyrico applaufu,

CELEBRATVS

ET

Perilluftri & Admodum Reuerendo Domino,

D. PAVLO
ZŁOMANSKI,

Protonotario Apostolico, Canonico San-
domiriensi, Curato & Decano
Michocinensi, &c.

Benefactori fuo ampliffimo,
In vim debitæ gratitudinis & reuerentiæ:

A
IOANNE CHRYSOSTHOMO RVCIENSKI Polanecenfi,
In Alma Vniuerfitate Cracouiensi,
Secundæ Laureæ Candidato:

DEDICATVS.

Anno Domini, 1686. Die 25. Ianuarij.

XX.

VAS ELECTIONIS, DIVVS PAVLVS APOSTOLVS.

Non potest res suas Natura magis commendabiles reddere,
Ambitioso hominum palato;
Quàm dum eas alijs rebus afsimilat;
& alienis difformibus exornat attributis:
Quamuis enim vnamquamq; proprio insigniuit decore;
Si tamen alterius Majestas ad eam non accesserit,
Inter sui iplius viscera euanescit.

Ita nimirum,

Si imago non comparatur homini, nullius momenti est:

Et nonmodò non arridet conspectui;

Imò sine similitudine spectatoribus nauseam parit.

Iuuentus absq; flore, sui est ignara nominis.

Et Colossus sine altitudine, naturam deformat suam:

Quinimo aut pumilio est, aut colossus non est.

Verùm, vt etiam

DIVVM PAVLVM APOSTOLVM;

Nobiliorem ac digniorem Christus efficeret;

Vas Electionis Diuinum,

Cælestibus repletum Gratijs,

Ab omnibus vitiorum mendis & deformitatibus expurgatum,
appellare eum voluit.

Vt, vel ex eo ipso, infusione Spiritus Sancti gratia impleatur,

Vel utilitatem mortalibus præferat.

Voluit quidem Artifex Mundus,

(Habens potestatem ex eadem massa, quidquid sibi placuerit producere)

Hoc Vas, non in honorem DEI,

Sed in ejus contumeliam grandem conuertere:

Quando à vero Mefsia alienatum,

Contra Christianitatem in se Inferni portabat Venena;

Illa crebrò in CHRISTI fideles effundens;

Quos toxico Iudaismi infectos inexhausto inebriaret Orco.

Sed cælestis Operarius,

Nè hoc

Nè hoc Vas, nobilissimum ejus manuum opus,
esset maledictionis æternæ Portatorium;

In Honorem sibi consecrauit.

Dum ejus deformem, in sublimiorem conuertit formam:

Et quasi Vas viciatum, putridumq; in mundissimum,
ab omnibus fæditatibus vacuum, transformauit.

Tygride enutritum animal,

Mansuetum, pacificum, quietum, humile,

Ac voluntarium famulum ex SAVLO effecit.

Qui mandata SALVATORIS exequens promptissimè

Ad Diuinam Electionem vocatus;

Vt Magnus supremi Numinis ad Gentes fieret Nuntius.

Ex quo

Bona annuntiatio, tanquam ex caelesti Vase est effusa,

*Et bonorum æternorum, incorruptibilium manifestata
felicitas;*

Nec non illa omnia, quæ ad gratiam pertinebant,

Gentibus ab illo sunt intimata:

Imò omnibus omnia factus.

Qui vel ideò nominatur Vas;

Vt, aut magnum in Vase cognoscamus Autorem,

Aut Materiam in Nomine Christi,

Quæ est plenitudo Vasis,

percipiamus.

Pergunt enim Cursores ex Diuino Regis Imperio,

Vt per illos, tanquam per bonos Nuntios

Spiritualis populo doctrina portetur.

Fecit DEVS hoc Vas mirabiliter!

Quasi Vas aurisolidum, Ornatum omni lapide pretioso.

Quod propter fulgorem Sapientiæ,

(Quæ Vniuersa Opum excedit pretia,)

A DEO, prout ei placuerat, constitutum:

Supra quod SALVATOR, Augustum Nomen suum scripsit:

Cujus memor semper,

Cum Cælesti Sapientia illud in homines infunderet.

Quatenus effusum Nomen CHRISTI, inter omnes mortales,

ceu fons totius plenitudinis exundaret.

Non quòd extra ripas, & margines vndarum diuagetur;

Quod solius temeritatis ac insipidi animi est :
Sed quòd humana corda effuso Nomine, luculenter adimpleat.
Ex quibus Diuinæ Sapientiæ fontes emanando,
Siccioris Naturæ animas,
Sine Verbo DEI arentes liquefacerent:
Vel in aridam petram, Verba Diuina ex Ore Altissimi
cadentia,
Nullum ex se latura fructum, liquore DEI abluerent.
Plurima sunt in manu hominum Vasa,
Ad Varios Vfus, & Vtilitates eorum fabricata;
Quæ repleta vario liquorum genere, magnum emolumentum
adferunt.

Ita DIVVS PAVLVS,

Expolitum quasi omnigenæ virtutis Vas,
Diuersis Gratijs, tanquam diuersis liquoribus,
diuinitùs fuit repletus.
Ex cuius ore scientiarum ac Gratiarum riuuli,
In Vniuersum emanarunt Orbem:
Quos arida Infidelium lingua, cum auiditate hauriens,
Erga charitatem DEI veri liquefiebat.
Viderant namq; Æthnici ac Iudæi.
Quos sapissimè Verbo DEI confundebat PAVLVS;
Quàm post Conuersionem SAVLI, ingentia flumina
scientiarum,
Ex Crystallino Olympi pelago, in hoc Vas adamantinum
cum abundanti Copia influxerunt.
Inuidebant Iudæi summo Christianitatis Pastori,
Quia Quem, (quam è medio gregis amiserat,) humeris
impositam,
Ad Ouile suum sedulus asportauit,
Aureo gratiarum vellere ornatam, toti præsentando Iudææ.
Quæ, quia nimium sitibunda, ad gremium fidei accessit;
Aurifluum sanctitatis Vas, Ori ejus apposuit;
Ex quo suam refocillaret ac refrigeraret animam.
Sicut insatiabilis vnquam Cernus ad fontes aquarum;
Ita SAVLVS ad fontem vinum DEI desiderauit.
Ne verò aliquando orexim pateretur;

Qua

Quâ toties imbelles animæ præ nimio vitiorum æstu laborant,

Vas, illum,

Diuinis in perpetuum exundans fontibus, fecit.

Quia citius & melius in proximo nutriuntur corpora;

Quàm ad remotè distantes pabulorum escas.

Ast quia,

Diuina etiam toties humanis comparantur rebus,

Toties sacra miscentur profanis:

Sæpiusq; Gigas animus pufioni assimilatur modico.

Quare & Ego Te,

Perillustis & Admodum Reuerende Domine,

PAVLE ZŁOMANSKI,

Nullò quopiam temerario Phaëtonis ausu,

Sed solâ Sympathiâ animi,

Et ductrice candidi pectoris prothymiâ stimulatus;

Vas Electionis Diuinæ

nominabo,

Nec sine fundamento altitudinem peto:

Habet quippe Tullianus calamus tantam vim & oculum,

Quo inter Patroni, & Tuum Vas,

Relatam mysticè aduertit similitudinem;

Proximamq; Patris cum Filio adnotant comparisonem.

Es enim plenum Vas Gratiâ Spiritûs Sancti,

Plenum Sapientiâ, plenum Virtutibus.

Nihil Tibi deest ad plenitudinem:

Imò tantum abundas, quantum delideras.

In primo adhuc innocentiae candore, infudit in Te,

Probitatem & Prudentiam Cælestis Spiritus:

Vt esses in perpetuum plenus Gratiae & Veritatis.

Nec tantis quondam Copijs, Cornu Amalthæ repleuit Iupiter;

*Quod supra opulentas mortalium gazas, refertum diuitijs esse
voluit:*

Quàm Te Vas mundissimum,

Cælestibus thesauris supremum Numen redundare fecit.

Quando ignorantiae tenebris expurgatis,

Ad vsum sapientiae Nobilem deputauit.

Et primò quidem Iagellonica Pallas nostra ;
In cuius adoreas toties assurgebas cum applausu,
Quam & nunc recenti semper amore prosequeris,
Te expoliuit.

Rude Tyrocinium expellendo,
Grandæuam prudentiæ maturitatem intromittebat.
Rudimenta stabiliendo, rudem teneritatis mentem perpoliebat.
Exuto quasi Cortice ignauæ mentis,
Eruditâ doctrinæ testâ Vas Tuum cooperuit.
Ac vbi purissimis celebrium scientiarum fontibus
Inter doctos Academiæ Viros exundares,
Et ex Tuo mundissimo vase, alijs hauriendum eruditionis
fontem, egregius Mineruæ Athleta propinares,

Primâ Virenti Laureâ,

Ceu limpidissimum floribus puteum coronauit.
Tempora Tua gratiosa immortalis gloriæ Lauru exornando.

Quia sibi Vas, in Te elegit vtilissimum,

In quod omnigenam Athænei nostri eruditionem
cum spe futuri fructûs infudit.

Vt si alibi Hypocrenæ & Blandusiæ fontes deficerent,
Ex Tuo Vase plenissimo scientia hauriretur:

Vt potè ex Stagyræ Filio;

Cuius in eminenti Exedra, specimen sapientiæ ostendens,

Diuinioris ore Platonis discipulum,

Si non superâsti ingenio, adequâsti disciplinâ.

Quanquam & Diua Themis, armataq; Iustitia;

Inuidens gratam priuatæ Palladi progeniem,
Ad publica Magistratum, sacriq; Senatûs inuitauit consortia.

Vt æquam ludicij Lancem ponderans,

Fastigia summa honorum ascenderes,

Votorumq; tractans stateram, in sublimi dignitatum Auge
stares.

Et certè

Si Galenus suos Æsculapios dotat opibus;

Fons omnis scientiæ Aristoteles, suos sequaces prudentiâ;

Maximè Iustinianus

Suis affectis & Clientibus honores distribuit:

Inter

Inter quos
 Non postremum Te ad dignitates computauit.
 Nam adæquans Iuris legumq; cacumina,
Notarius Publicus es factus:
 Fauentibus Tibi posthac cælestibus superis,
Protonotarius Apostolicus esse meruisti.
Tandem ex singulari Patrocinio & benigno fauore,
Illustrissimi piæ memoriæ Præfulis Cracouiensis,
ANDRÆE TRZEBICKI,
 Ad Perillustre & Venerabile Sandomiriense Capitulum,
 Ex æqua Iudicij Lance ascendisti,
 Vbi in perpendiculari stantem, Canonatus Libram obtinuisti.
Ad quam Illustrissimi Candidatus honorû Olor,
 Cum candidis Virtutibus optimus Augur præiuit.
Vt Cygneus futurorum Vates, inter alios proficua Vota,
caneres,
Aliisq; alta Iustitiæ voce occinendo,
Inter dubia errantes Vota, ad portum veritatis deduceres.
Equidem pulchra Illustrissimi pietas,
 Cana fides, cana prudentia, & illi me in Cygno decus,
Cuius sine nube in Vauello Dominium lucebat.
 Non ex vano, aureo Tuo Vasi, vbertatem gratiarum affuderat;
 Quia candida Tua maturitas, ab illi me ejus Olore,
 Sacro Perillustrium Areopago Sandomiriensi
 Genuinum prudentiæ candorem, in Themide erat allatura.
Verum & nunc,
 Non extra manus Principum Tuum Vas Electionis versatur,
Gerit illud in dextra manu, dexterrimus
Princeps,
 Zelosus fidei Orthodoxæ defensor,
 Præuaricatorum Ecclesiæ DEI, Sectato-
 rumq; terror,
 Ac Pastor circa suum gregem Vigilantissimus,
IOANNES de Małachowice MAŁACHOWSKI
Episcopus Cracouiensis,

Cujus Fas ciatum decus, toti Diœcesi Cracouiensi,
Sine inuolutis rerum angustijs splendet.
Et quasi candida Nube in aëre appensâ laxatâq̃,
Ab omnibus suis Ecclesiis, Nubes caliginosas,
cum fulmine Stygio arcet, & repellit.

Imò Te Omnis munditiei Vas,
Auitâ Stemmatis sui FASCIA cinxit;
Te in Oculo quasi suæ FASCIAE memorabili semper habens
Vt tantorum Encomiorum plenus euadas,
Quanta eius Fasciatus Orbis intra se ambire videtur.

Affundebatur nuper
In Tuum Vas pretiosum Electionis
Per Illustrissimi Præsulis manus,
Archidiaconatûs dignitas in Peraugusto Tuo Capitulo:
Quatenûs, si aliquid ad plenitudinem Tui Vasis desiderabatur;
Hoc vno, satis majestoso honore impleretur.

At Tu multorum non egens,
Generoso animo, ex politico Virtuosæ humanitatis poculo;
Cui plenum Virtutis & honoris Vas, pretiosum affudit potum;
Eandem dignitatem alijs propria sponte propinasti.

Vt cæteros etiam,
Ad aurea honorum Vasa per alacritatem inuitares;
Et in Tua humilitate animi altiores dignitates ostenderes.
Dum qui in Terris humiliatur, in Olympo altius ascendit.

O felicem ter quaterque animam!

Citò transeuntia fortunæ & gloriæ pignora non cupientem!
Solâ auiditate honoris diuini elatam!

Quam dum Honor sequebatur, illum refugit.
Manifestè enim & ipsâ veritate clariùs sciuit;
Quàm & ipsi vastarum virium Gigantes sub ponderibus ter-
renis gemunt,

Quid enim prodest Athlanti?

Cuius patulis humeris vniuersi machina incumbit,
Cùm tante molis amplitudine exanthlatus
Sub honore ingemiscit.

Quippe & orbis domitor Alexander Macedo,
Cujus sine numero titulos, vniuersa mundi Tabula ambigebat;

Inter

Inter fatigationum Angustias, omnibus se exui poscebat,
Si Diogenem in dolio imitaretur.

Suâ forte contentum esse, nihil est felicius:
Et magnos honores respuere, est illis dominari.
*Cum & Mercurii inanimato stipiti, honores appetere
est Commune:*

Et picarum plumbea capita Coronari non mirum.

Haecenus humana Numina

In Te Vas, ex Adamante structum
cum effectu influebant:

Quæ Tu Catholici pectoris magnanimitate non acceptas.

Diuina etiam quomodo influunt?

Quantos liquores in Tuam Spongiam Vasis infundunt?
Ad eò Cælestes superi ad plenitudinem ejus concurrunt;

Vt etiam DEI Mater

Sub Tua Cura & Patrocinio miraculosè habitare non recuset;

Et gratiarum suarum abundantiam,
Vasi Tuo infundere non dedignetur.

Cum Virtutibus stimulata Tuis,

Excelso procedens de Thalamo Sponsi,

Sub Tua tutela Dzikowie, Augustum sibi fixit domicilium;

Vt in propinquo serui sui aspectu delectetur.

Vbi verò fundamenta Domus,

In Montibus Sanctis **FIRLEIOWIANIS;**

Tanquam super Tabernacula **IACOB** jaciebat;

Te sui Ædificij Geometram & Architectum voluit:

Dum Te primò in profunda nocte visorem sue domus habuit.

Nam Tu,

Fidem tantis miraculis tum demum solidè dedisti;

Cum ex Aula Reginae Cælorum, per arua errabundus,

Prodigioso lumine illustratus,

Ad Electum **MARIÆ** locum peruenisti.

Te Cælorum Domina & **DEI** Mater

Ad desideratum Dzikowiae portum deduxit,

Ostendendo Tibi sua peraugusta Triclinia:

Quæ super Colles mundi fructiferos præparabat.

Vtrum affabrè Artifex Cælestis,

In hoc Habitaculo Thronum **MARIÆ** exstrueret?

Quod de lapide pretioso educebat,
Intus gemmis, Saphyris, Carbunculis lucentibus ornabat,
Insuper Postes Ebore distinguebat.

Cujus Tu Majestatem,

In ardenti folio, venerabundo poplite adorans,
Flagitantibus aliorum votis,
In manus pias Ordinis Prædicatorum tradidisti.
Ut eò dignius Reginam Angelorum venerarentur,
Quantò humanius illis eandem è Tuis manibus concessisti.

Et procertò Virgo hæc Deipara,
Adeò te Materno suo amore adamavit,
Ut se totam in Tuæ Parochiæ gremio deponeret,
Vbertatemq; gratiarum suarum largiretur.
Dum, quæ alibi hospitio tantum excipitur,
Apud Te perpetuò inhabitet & permaneat.

Ne verò

Cælesti Matre sub Tua cura orbatus viduatusq; esses,
Aut Tuum Vas Electionis eburneum, pateretur vacuitatem,
Plenitudinisq; aliquem defectum cerneret,
Unigenitum Filium suum,
In Michocinensi Ecclesia Tibi reposuit,
Cujus miraculosa in Cruce effigies,
E latere pretiosum liquorem Tuo Vasi affundit,
Ut ex eius etiam Calice passionis potum bibas.
Et sub Cruce adstans cum M A R I A, illius gratiâ inebrieris.
Non potuit Te magis Virgo Deipara adamare,
Quàm dum Primogenitum Filium, Fructum Ventris sui,
in manibus Tuis collocavit:

Et delicias Paradisi, in horto Tuarum Virtutum reposuit.
Quas Tu, liquore de pretioso Vase, effuso, continuò irrigas.

Enimuero!

Quàm felix faustumq; est Vas Tuum Electionis!
In quo duæ gemmæ Cælestes,
Non Cleopatraz olim & ANTONII, sed DEI & MARIÆ,
Quibus totum Cæleste Regnum constat,
inveniuntur.

Quàm fausto Omine ex hoc immenso Vase, tanquam de pelago,
Duo Luminaria

Nimirum Mater DEI & ejus Filius emergunt!
Quorum Tu Luce splendidâ illustratus,

Magnum

Magnum splendorem affundis Ecclesiæ.
Et sicut hæc duo siderea Lumina in Te resplendent,
Sic Tua Virtus lucet coram hominibus.
Ex qua coruscum Tuæ gloriæ jubar prodiens,
Tantam posteritatis memoriam ambit;
Quantam, Tuæ famæ sublime Nomen reposcit.
Mercandum Tibi erit paucis cælum;
Cum ejus pretium, Tuum Vas pretiosum in se complectitur.
Pretium Cæli in Tuis manibus habes:
Quidni illud hereditariè sine dubio possidebis?
Cælestes sub Tuam Curam & manum Hospites suscepisti:
Quidni ab illis in eorum Regno humaniter tractaberis?
Cujus Vates & augurium
Sunt Tua dignissima obsequia in Sandomiriensi Capitulo;
Vbi Continua Procurazione,
Circa Peraugusti Capituli publica Bona & Negotia emeritus
Plùs justo præmia meruisti.

Quare,
Pro sudoribus frontis & agitationibus mentis,
Copiosa merces Te exspectat apud Tonantem.
Ad quam genuina Tua Virtus;
Quæ est suimet semper pulcherrima merces;
prouocat & inuitat.
Et si taciturno silentio præterire vellem
Pia Legata,
Ad Polanecensem Ecclesiam à Te collata
Ipsa se mihi in itinere pro obstaculo & Obice ponunt:
Quæ ipse Diuus MARTINVS,
Patronus & Protector Polaneciæ,
Pro Manubijs argenteis & spolijs aureis Tuæ sortis accepta,
In Trophæis Immortalis Gloriæ,
Tanquam Militaria signa, in sua Æde repræsentat.
Qui Tuis largitionibus manifestè coram DEO & popu-
lo gloriatur.

Ex quo Beatus es Vir in Terra.
Quia in diebus Tuis DEO placuisti, non post fata:
Vbi dies jam non Tuæ, sed alterius erunt potestatis.
Quamdiu enim viuis, tam diu Tuo tempore dominaris:
Post mortem distribuendi bona, non erit Tui iuris, sed alieni.

Sint ergo alijs pretiosa Vasa,
Quorum vitrea fragilisq; corruptio, in momenta succedit.
Tibi verò sit Doctor Gentium;
DIVVS PAVLVS APOSTOLVS:

Imò Tu ipse sis Tibi Vas Electionis admirandum;
Non euacuatum, non inane;
Sed inexhausto Virtutum liquore abundans,
Vt pote Magni Gentium Doctoris Dilectus Cliens.
Cujus profundæ eruditionis Scientia,
Inter Vniuersi Orbis immortalium animorum ripas profluxit.
Qui prout vixit ita Gentiles docuit:
Et prout docuit, ita vixit.

Si ille in se Doctrinam Christi portabat;
Tu Verbi Diuini es Vas Portatorium:
Nam Tibi per Spiritum Sanctum datus est sermo Sapientiæ,
Docendi, glossandi, & interpretandi Scripturam.
Conuersio PAULI non ad alium, nisi ad Te.

Scriptit enim Nomen suum supra Te:
Cum ad portandum Nomen Domini Te elegit,
Statim fecit Te totum hoc Nomine plenum.
Et quia
Ex Diui PAULI Sacra Ceruice, ad mortem deputati,
Lac effluxit;

Quasi Tibi viam lacteam, & melleam ad Cælum sternendo:

Ex Te Vas Electum Christi,
Oleum effusum Nomen Tuum,
In Ora posteritatis cum æterna Tui memoria defluat, opto:
Esto Vas in honorem DEI Sanctificatum, vtile Domino,
Et non tantum ad Tertium Cælum cum PAULO Tuo,
Sed ad Supremum Empireum,
Vbi est Sanctissimæ Triadis & Beatorum Sedes,
rapiare.



BIBLIOTH. UNIV.



VARELLONICAE

L. xiii. 5.

